

Na osnovu Zakona o javnim nabavkama Bosne i Hercegovine („Službeni glasnik“ broj: 39/14), člana 7. stav (b) Pravilnika o postupku direktnog sporazuma Elektrotehničkog fakulteta u Sarajevu (broj: 02-1-614/15 od 04.02.2015. godine) i Odluke o direktnom sporazumu (broj. 12-1930/18 od 28.05.2018. godine), zaključuje se

UGOVOR O JAVNOJ NABAVCI

Između ugovornih strana:

ELEKTROTEHNIČKI FAKULTET U SARAJEVU - ID broj: 4200304450006, sa sjedištem u Sarajevu, u ulici Zmaja od Bosne bb, koga zastupa dekan prof.dr Samim /Malić/ Konjicija (u daljem tekstu: primalac usluga)

i

Zemaljski muzej Bosne i Hercegovine, adresa Zmaja od Bosne br.3., - ID broj: 4200395820005, koga zastupa direktor dr. Mirsad Sijarić (u daljem tekstu: davalac usluga)

Član 1.

(Predmet Ugovora)

Davalac usluga daje, a primalac usluga prima ustupanje prostora Zemaljskog muzeja Bosne i Hercegovine koji se nalazi u ulici Zmaja od Bosne br. 3., radi održavanja svečanog prijema.

Član 2.

(Upotreba prostora datog na korištenje)

Primalac usluga će u prostorijama iz člana 1. Ugovora, dana 23.10.2018. godine organizovati svečani prijem za oko 300 učesnika konferencije "IEEE Innovation Smart Grid Technologies Europe 2018".

Ugovorne strane su saglasne da će primalac usluga ustupljeni prostor koristiti za održavanje navedenog događaja i u druge svrhe ga ne može koristiti.

Primalac usluga je dužan pri korištenju prostora postupati sa svom potrebnom pažnjom (pažnjom dobrog privrednika).

Član 3.

(Cijena)

Za ustupanje prostora, primalac usluga će davaocu usluga na ime pružanja navedene usluge platiti iznos od 2.500,00 KM (dvijehiljadepetstotina i 00/100KM), te na ime 300 kom. ulaznica za odrasle, po jediničnoj cijeni od po 6,00 KM, iznos od 1.800,00 KM (hiljaduosamstotina i 00/100 KM).

Primalac usluga će ukupan iznos od 4.300,00 KM (četirihiljadetrístotina i 00/100) platiti na žiro račun davaoca usluga koji se vodi kod odgovarajuće banke u Bosni i Hercegovini, najkasnije 10 dana nakon ispostavljenе fakture.

Član 4.

(Trajanje ugovora)

Ovaj Ugovor se zaključuje za dan 23.10.2018. godine.

Po prestanku usluge, primalac usluga je dužan izmiriti sve obaveze prema davaocu usluga i prostor predati davaocu usluga u stanju u kakvom ga je primio.

U slučaju prouzrokovanja štete, primalac usluga je dužan naknaditi prouzrokovanu štetu davaocu usluga.

Član 5.

(Međusobna prava i obaveze)

Za vrijeme pružanja usluge, ugovorne strane su dužne da se pridržavaju dobrih poslovnih običaja.

Član 6.

(Izmjene i raskid ugovora)

Odredbe ovog Ugovora ne mogu se mijenjati nakon njegovog zaključenja, izuzev u slučaju dodatnih zahtjeva u pogledu uslova saradnje od strane glavnog organizatora konferencije - ISGT Europe 2018 (IEEE PES).

Ovaj Ugovor je zaključen na određeno vrijeme i prestaje istekom tog vremena, bez posebnog pismenog otkaza.

Ugovorne strane mogu sporazumno raskinuti ovaj Ugovor ili po zahtjevu jedne od ugovornih strana, ukoliko su nastali bitni razlozi za raskid ovog Ugovora.

Član 7.

(Rješavanje sporova)

Ugovorne strane su saglasne da sve eventualne sporove rješavaju sporazumno, a ako to nije moguće saglasne su da je za rješavanje spora nadležan sud u Sarajevu.

Član 8.

(Završne odredbe)

Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjeraka.

Ugovor stupa na snagu danom potpisivanja.

U znak prihvata svih prava i obaveza iz ovog Ugovora, ugovorne strane svojeručno ga potpisuju.

ZA PRIMAIOCA USLUGA


Dekan, prof.dr Samim Konjicija

ZA DAVAOCA USLUGA


Direktor dr. Mirsad Sijarić

Broj: 02-2189/18

Datum: 18.06.2018. godine

BOSNA I HERCEGOVINA
ZEMALJSKI MUZEJ BIH
SARAJEVO
Broj: 110-705-9/18
Datum: 18.7.2018.